

Donacion pa Ciro Abath

ORANJESTAD(AAN)- Prins Bernhardfonds a haci un donacion di Af. 8.400.00 na Sr. Ciro Abath pa yuda promove su actividadnan ariba tereno cultural. E entrega di e check a tuma lugar den Biblioteca Nacional. Na e ocasion sr. Fedi Eman den representacion a bisa lo siguiente:

Ultimamente cu Prins Bernhardfonds ta haci un

donacion ta duna publicidad di e acto aki esta pa duna di conocer e existencia di e fundacion y su meta cu ta pa duna yudanza ariba tereno cultural, educativo, tereno historico y científico.

Tur persona, organizacion of institutonan cu ta traha ariba e tereno aki por haci un aplicacion pa un yudanza. E peticion di sr. Abath a worde

aproba pa e bestuur y ta un placer di entrega e check pa un suma di Af. 8.400.00 na sr. Abath.

E suma aki ta pa cumpra maquinaria y equiponan pa traha especialemnte articulonan di ceramica. Sr. Abath ta conoci pa su trabaonan artistico den e ramo aki.

Algun tempo pasa durante e bishita di S.A.R. Princesa Margreit na Aruba, Gobierno

di Aruba a obsequia e Princesa cu un obra artistico di sr. Abath.

E maquinarianan ta keda bao poder di Biblioteca Nacional pa asina tur otro cu ta practica e arte aki of cu kier siñe por haci uzo di nan tambe. En vista cu Biblioteca Nacional a yuda sr. Abath canaliza su peticion el a promete voluntariamente di entrega na Biblioteca Nacional

un scutura artistica cu lo worde poni dilanti di e edificio di Biblioteca nacional caminda henter pueblo di Aruba lo disfruta di djele, local ta un bunita gesto.

Por mira momento cu sr. Fedi Eman a haci entrega di e check na sr. Ciro Abath den presencia di sr. Neppie Henriquez, sra. Lourdes-Croes y sr. Ido Yanez di Biblioteca nacional.